

素邗小州
伍



共六本

系邨小草卷九

五言律

庚辰元日呈諸昆

爆竹方除舊。桃符已換新。風如三代古。門掩萬家春。昇
志容予季。齊心奉老親。天倫真樂事。况作太平民。

與叔兄協恭同陳若川夜坐

絕俗驚鸞鳳。憐才愛鶴鴒。春風雙鬢綠。寒夜一燈青。名
豈文章重。言須座右銘。巡簷數列宿。應有少微星。

宿湧泉寺

系邨小草

卷九

五言律

地寂塵心淨。天空月色涼。香風輕度帳。花雨暗平牀。梵
醒三生夢。鐘敲五夜霜。誰云方丈室。不及白雲鄉。

詠新月

得添字

莫以清光少。從今夜夜添。痕疑銀甲割。彎似翠眉尖。小
暈珠含蚌。微輝鏡在匳。佳人應下拜。裙帶比風嚴。

寓龍岡寄楊亦寧

茅屋倚邱隅。頻年此寄居。服鹽悲失驥。彈鋏嘆無魚。地
窄偏栽竹。囊空亦買書。傳言楊得意。憔悴是相如。

贈鄭品龍

善醫

才大無人識。心留肘後經。常將醫國手。活盡衆生靈。未
老頭先白。忘年眼獨青。問君藥籠裏。我可是參苓。

早春郊行過王氏林亭留飲

乘興出郊坰。相攜到野亭。寒辭梅塢暖。春上柳塘青。地
僻人偏雅。歡多醉易醒。不緣君愛客。游屐敢爲停。

黃莘田先生以詩集見贈讀竟題後

此道今幾廢。先生老不衰。風騷新體格。壇坫舊鬚眉。價
重鷄林賈。歌傳馬帳姬。斯文猶未墜。後起有師資。

賦得鴻漸于陸賦草

素邨小草

卷九

五言律

二

丹鳳方巢閣。冥鴻亦漸遶。于飛知所止。其羽可爲儀。弋
者渾奚慕。鳴兮正得時。每懷千里志。鷓鷯莫相疑。

梨花

恨嫁東皇晚。輸梅冠衆芳。在他紅爛漫。自著白衣裳。月
暗雲生夢。風微玉有香。送春歸去後。和雨洗殘妝。

食梅子

十日陰晴雨。疎林已熟梅。黃團一寸蠟。紅暈半邊腮。撲
鼻香猶在。酸牙味乍回。和羹人倘問。曾占百花魁。

中秋坐月有懷

萬里嬋娟共。清光一院寒。人將經歲別。月似去年佳。
節本難得愁。來自寡歡。不如眠去好。魂夢或相安。

同社中諸友游釣龍臺智光寺

偶以論文暇。來偷半日閒。梵宮新土木。霸業舊江山。
花滿蒼苔徑。雲封薜荔關。深談共忘返。明月似刀環。

擬崔灑王家少婦詩二首

少小嫁王家。青春正破瓜。紅裙新簇蝶。烏髻巧堆鴉。
愛打同心結。偷栽夜合花。漸知逐時好。泥母教琵琶。

自惜璧無瑕。秋波故故斜。有心憐宋玉。得婿似秦嘉。
含

素郁小草

卷九

五言律

三

雨歇楊柳迴。風舞落花飛。欲知兒姓氏。生小住鄰家。

贈陳若川

百體書皆妙。千鈞腕有神。亦由天所賦。不愧古之人。
莫以籠鷲換。偏輸野鷺珍。笑余文滿篋。終歲每憂貧。

擬劉隨州雜詠八首

舊井

一泓冽且香。長年不施繩。細草覆銀牀。鏡中搖清影。
用汲自有時。盜泉渴宜省。人愛此水深。我更愛其靜。

幽琴

曲高知者寡。調古和人稀。秣馬槽中伏。驚鴻天外飛。無
愆意自遠。航海孰與歸。廣陵散已絕。不敢弄金徽。

疲馬

千金買燕市。朽骨今猶香。顧影憐羸瘦。伏櫪悲鳴長。絕
舉風雲遠。平原水草荒。誰論德與力。舉世少孫陽。

古劍

古劍久不磨。猶自動顏色。應歸俠客裝。鸛鶴勤拂拭。芒
刃頓全牛。鉛刀分肉食。終軍棄繻年。仗之奮絕域。

春鏡

素邨小草

卷九

五言律

四

博得玉臺安。轉惹孤鸞泣。無復曉妝臨。漸恐芳塵襲。桃
李隔牆枝。含光亞枝入。花對葉相當。望而不可拾。

寒缸

孤月入牀明。寒缸清復清。有時花灼灼。故作淚盈盈。飢
鼠澗縫壁。涼風吹短檠。可能消永夜。歌枕夢難成。

白鷺

亦有冲霄志。難爲滄海游。孤高慙野鶴。輕狎類羣鷗。若
藻平沙渚。魚鰕淺水洲。所圖惟一飽。此外復何求。

晚桃

牡丹已含胎。天桃忽滿樹。獨受雨露深。始見繽紛吐。寄語紅衣人。莫向江南渡。尙及芳春時。不須嘆遲暮。

題陳傳耕牡丹圖文選後

作序慙君托。生天在我先。文章名死後。義氣篤生前。羊

舌情何極。

君兒總角酷肖其父

梁鴻塚未阡。樞尙未葬空餘千點淚。

灑向九重泉。

送楊學山

已恨相逢晚。何堪又別離。風塵誰物色。萍水感襟期。夢向更深遇。言于去後思。送君越江畔。衰柳正參差。

素柳小章

卷九

五言律

五

游開化寺

寺在西湖中舊爲閩王水晶宮

湖繞疑無路。橋橫徑忽通。可憐金粟地。原是水晶宮。日

落寒煙外。山圍古木中。

寺中有小阜名三山別島

樂游人不見。鐘鼓

起西風。

同姜脩爵次徐紫山秋吟十九首原韻

秋原

野闊風聲壯。秋高望眼空。鴈隨煙並沒。天共水無窮。顧此蒼茫景。何如罨畫工。西皇莫收拾。留貯錦囊中。

秋樓

迥與塵埃絕。高樓攬碧岑。神仙如可接。煙雨莫相侵。簷
短留涼月。窓虛散遠砧。參差衰柳外。長護白雲深。

秋屋

營得數椽屋。居然十笏寬。背山堪入畫。容膝我能安。風
冷蛩先咽。霜輕菊未殘。倩誰寫秋水。常向壁中觀。

秋寺

山寺秋風早。寒輕暑力微。古香巖桂老。落葉井梧飛。霜
冷鐘聲遠。涼生衲子歸。風旛雙白鶴。馴狎欲相依。

秋社

素邨小草

卷九

五言律

六

郊原秋已熟。社鼓樂雍熙。比戶多困積。貧民足穗遺。祝
稱農有力。童頌帝無爲。分肉同歸去。鄉人莫暫離。

秋獵

風肅長弓燥。秋高駿馬騰。論功先走狗。濟惡笑蒼鷹。雌
伏籬邊鷓。冥飛海上鵬。不須誇任俠。我已懶爭能。

秋戍

戍以秋偏苦。將軍未肯憐。及期猶不代。歸夢亦無緣。弓
挽邊風勁。書封塞鴈傳。寒衣何日到。衰草自年年。

秋漁

小艇輕如葉。滄江煙雨迷。鱸膾秋水冷。蘆葦晚雲低。自
攬散人號。寧須茶竈攜。偶因菰米熟。換酒向前溪。

秋塘

愛此方塘古。朝朝隄上行。蘆搖明鏡亂。楓冷碧波平。陂
異三春漲。澄如一練橫。求梁鴻鴈侶。甚勿狎鷗輕。

秋瀑

萬丈懸空下。源從何處來。西風吹急雨。秋壑亂鳴雷。恍
似銀河落。驚看石壁開。幾時結茅屋。烹茗傍巖隈。

秋煙

素胡小草

卷九

五言律

七

秋煙何澹蕩。一望忽紛紛。遠水失紅葉。孤村擁紫氛。輕
疑如縠霧。薄襯似羅雲。最是依依柳。纏絲意倍勤。

秋帘

開甕難逢謝。攢眉却憶陶。籬圍村店古。風捲酒旗豪。理
菊朝霜重。敲詩夜月高。共誰謀一醉。惟有舊青袍。

秋菜

剩得荒園在。伊人尙不貧。風霜饒色秀。甘苦夙心親。夜
冷僧煨芋。帆輕客憶莼。千秋高雅致。氣味各清真。

秋蝶

不解春歸去。踟躕向晚秋。園空誰作主。花落汝先愁。病
葉閒尋遍。芳心幾度休。東籬有黃菊。且莫過牆頭。

秋衫

霧縠輕尤薄。西風一夕涼。豔陽堪記憶。刀尺費裁量。典
酒春應贖。春砧夜正長。因憐紉扇女。對此淚成行。

秋簟

冰簟清如水。西窓好避炎。輕風縈菊枕。疎雨灑茅簷。湘
女痕猶在。鮫宮織並纖。莫因涼棄擲。涼處味尤甜。

秋燈

柔柳小草

卷九 五言律

八

何以永今夕。寒燈冷畫屏。更誰同坐月。卽此罷囊螢。故
結花如昨。偏當夢乍醒。巴山風雨夜。伏枕感飄零。

秋鏡

佳人留壁月。耿耿注星河。面目吾能認。風霜亦易磨。悲
秋傷鬢短。清瘦爲情多。不識深閨裏。臨妝意若何。

秋琴

彭澤絃猶設。中郎尾未焦。世人驚霹靂。秋籟總清涼。魚
聽知何似。鴻飛手自調。從茲應掛壁。明月去吹簫。

再疊前韻十九首

秋原

商意滿林薄。四野含清空。高人有幽思。偏于秋無窮。丹
楓紅已老。山色暮尤工。安得輞川筆。收入畫圖中。

秋樓

瓊樓仙所憇。高在閩風岑。誰做臨虛製。塵埃不可侵。朝
朝對柳陌。夜夜搗秋砧。祇恐樓中人。望遠愁愈深。

秋屋

結屋在適意。何分仄與寬。水窮山盡處。半畝自相安。蘭
菊開應遍。芰荷葉已殘。行人頻指點。疑作畫圖觀。

素邨小草

卷九

五言律

九

秋寺

巖壑響清磬。化城坐翠微。但記優曇馥。那知霜葉飛。嗟
哉。山中人一去。長不歸。寄聲謝猿鶴。山僧或可依。

秋社

夙慕唐虞世。其民何熙熙。今觀秋社日。尙有古風遺。圭
組不易期。力田或可爲。從茲塞北牖。婦子莫相離。

秋獵

自誇好身手。原上快飛騰。草短馬蹄輕。秋高疾蒼鷹。我
有六鈞弓。思射萬里鵬。弓強鵬遠舉。空擬屠龍能。

秋戌

寶刀皎霜雪。便捷空自憐。西風萎衆草。寒衣寄無緣。馬肥敵方驕。笳鼓通宵傳。愁見關山月。今歲復明年。

秋漁

秋江起晚潮。秋色四山迷。蘆密西風惡。岸闊夕陽低。水冷魚不餌。換酒將簑攜。飲酣睡一覺。明月滿前溪。

秋塘

秋水一泓碧。誰歌塘上行。雨織縠紋縹。風磨鏡光平。隔岸亂山多。無人舟自橫。倘有洛神遇。淫詞莫相輕。

素邨小草

卷九

五言律

十

秋瀑

疑是黃河水。源從天上來。怪底秋氣深。穴中時聞雷。薄暮山逾紫。連蜷柱自開。應有漱泉人。結廬巖之隈。

秋煙

日落犬羣喧。寒煙漸紛紜。衆鳥誤投林。歸樵迷亂氛。濃陰千嶂夕。閒伴一溪雲。葭葭衰柳外。凝望獨殷勤。

秋帘

照眼酒旗飄。鉗空正鬱陶。不用蘭陵貴。村醪聊自豪。數椽籬落裏。一竿風月高。紅杏憶春酣。餘痕滿舊袍。

秋菜

學圃原不易。半畝甘食貧。秋高菜甲肥。聊以娛慈親。依人非長策。因風托思莼。何如蘇雲卿。荷鋤葆其真。

秋蝶

蛩咽空階露。蟬吟高樹秋。不隨莊叟夢。如伴宋家愁。春事變若此。春情老未休。深閨羞見汝。莫上玉搔頭。

秋衫

天心殊冷暖。人意逐交涼。顧此羅衣舊。棄取心自量。幸勿嫌輕薄。章身稱短長。摻摻憐女手。鍼線幾千行。

素邨小章

卷九

五言律

十一

秋簟

華胥不可接。一枕却煩炎。水簟梧桐下。落葉鳴高簷。縱逸錦雲美。頗同薤葉漣。且擬漆園樂。遽遽味黑甜。

秋燈

燈花落如豆。素影搖銀屏。案頭窺點鼠。窗外暗流螢。擁被多秋思。微吟宿酒醒。蘭膏且未盡。莫遣隙風零。

秋鏡

半生多白眼。有口似懸河。妍媸豈在貌。風塵不可磨。青銅耀秋霜。終歲閱人多。試問我胸襟。待比人如何。

秋琴

雲和誠足貴。不及爨下焦。鍾期去千載。凡響亮以嘹。却恐秋氣悲。慙爲膠柱調。何如伍子胥。鼓腹而吹簫。

塵榻

塵榻悵淹留。虛窓夜氣幽。寒砧萬井月。白露一天秋。漏靜繁蛩咽。風淒蔓草柔。依劉有王粲。牢落賦登樓。

燈花二首

佳種托銀臺。蘭膏向晚培。難尋香與影。一幹落還開。蛾子休頻採。春風無處栽。深宵看不厭。譙鼓莫相催。

素邨小草

卷九

五言律

十二

不用金鈴護。宜教翠幕遮。隙風何料峭。階雨任橫斜。慣博深閨喜。偏濃午夜華。仙家開頃刻。疑有撒丹沙。

賀游大五新婚

金屋雙棲日。天桃二月初。三生才子夢。百兩美人車。小試探花手。因成博議書。玉臺春正好。立雪跡應疏。

寄姜脩爵

落葉下庭柯。秋江水始波。交情別後見。愁緒客邊多。地僻書難寄。途長夢易過。故園松桂老。歸思竟如何。

病

貧也原非病。愁多亦自疑。僧言須禮佛。醫勸莫吟詩。可
是文園渴。應添潘鬢絲。故人誰饋藥。歲歲晚春時。

哭姜脩爵二首

嘆息伊人沒。蒼蒼事可疑。中郎徒有女。伯道竟無兒。孝

友今應少。性孝友非人所及疎狂我獨知。與俗寡合于余獨厚殘琴彈不

得。絃斷為鍾期。

不惜千緡費。欲刊下里詞。欲為余刻詩文雜著諸稿空懷黃土恨。長

負白雲期。約明年共隱壺江別墅夢短渾難遇。沒後不傷多轉自

疑。君常戒余曰君多疑愁多病恐非壽徵他生何處所。吟望一凄其。君贈余詩云今

素邨小草 卷九 五言律

生遲我二十年但願他生早相識

漫興

涉世處種蠱。浮生過隙駒。禍兮福所倚。巧者拙之奴。卜
子空投壁。鮫人漫泣珠。不如學稼去。歸隱北山隅。

臺江夜汎

萬籟作秋聲。空江夜氣清。雲馳疑月退。船疾見山行。便
欲乘槎去。衝他牛斗橫。明朝懷片石。何處問君平。

贈國珪大姪又得孫男

乍見阿咸喜。旋知又得男。似瓜絲不已。維葉葛之覃。二孫

皆妾所出。索以坎爲再。樹聞珠有三。好邀癡叔去。湯餅酒類。酉

題許氏別業

伊人結茅屋。臨水枕山阿。樹老風聲壯。江空月色多。惜無摩詰畫。恍似武陵過。我亦思逃世。從君共嘯歌。

贈何稚承

屈指數時髦。低頭又一遭。逢人應說項。學古善吹毛。濯濯三春柳。汪汪萬頃濤。對君心已醉。何必飲醇醪。

弔劉烈女

女未婚夫卒于山東幕署父母將改嫁之女聞訃遂自經夫姓葉

十四

素邨小草

卷九

五言律

死亦尋常事。清風凜若秋。斷絃千里外。同穴此生休。有節留彤史。無夫勝白頭。平生未識面。泉路泣相求。

荷亭納涼

波長半篙綠。荷開十里紅。山環湖以外。亭在水之中。六月坐忘暑。四圍香作風。幾疑塵世隔。不數碧琳宮。

中秋夜登無垢淨光塔

秋孤多寶塔。人在衆香天。露重衣皆濕。月中影正圓。碧城樓十二。玉宇界三千。隱隱聞笙鶴。飄飄何處仙。

江瑤柱

香與色俱饒。新鮮趁早潮。似誰疑海月。名不愧江瑤。合
作中流柱。何須五味調。恰逢丹荔熟。邢尹莫相驕。

江樓夜集和劉大紳

高樓臨水次。明月滿秋江。險韻敲詩鉢。名花撲酒缸。驪
珠心獨探。龍鼎力能扛。五字長城在。偏師敢不降。

別諸昆北上

只爲功名重。其如遠別何。繫懷惟老母。養志有諸哥。
家計貧隨分。鄉關夢易過。不須兒女態。醞酒聽驅歌。

泊洪山橋

素邨小草

卷九

五言律

十五

萬里京華路。離家第一宵。扁舟對孤月。繫纜倚危橋。
青眼長途少。白雲親舍遙。明朝還北去。落葉正蕭蕭。

汨水口

落日古因闕。維舟傍水灣。犬聲深樹外。人語夕陽間。釣
艇歸前渚。炊煙隱暮山。家鄉時見夢。入枕浪潺湲。

次延平

無復蛟龍見。惟聞波浪鳴。早年讀晉史。今日過延平。倘
有干霄氣。慙非雷煥明。奇材行處是。何必問豐城。

贈王景石

乙未榜後選入
咸安宮教習

捷足鞭先著。公車幸許同。有才堪倚馬。餘事到雕蟲。策
待春官試。名會 黼座通。他年 廊廟上。共看黑頭公。

登岱嶽

絕頂九千丈。山腰十八盤。兩昏秦樹古。雲起漢封殘。天
下小如許。吾生最大觀。未登心每怯。及到覺無難。

舟中偶占

夙昔聞滄海。今來汎紫瀾。魚龍時隱現。日月最奇觀。甚
有澄清志。其如砥柱難。深慙宗慤願。回首望 長安。

望月

素邨小章

卷九

五言律

十六

住久舟如屋。心閒險亦安。一輪金鏡淨。萬頃碧波寒。露
重嫌衣薄。星稀覺夜殘。滿船皆睡熟。獨自倚舷看。

得魚

張網魚隨集。來多亦不珍。可憐滄海闊。誰遣觸機頻。縮
類槎編項。金疑石首鱗。晚厨紛膾炙。分飫遍舟人。

晚眺

河梁時獨立。薄暮每忘歸。雲盡山容瘦。潮生水面肥。空
林遲落葉。遠浦沒斜暉。隱隱聞砧杵。人家在翠微。

暮春同何秀岩何卿彩苗韋軒梁友敬陳朝衡李

匯生小集

好景誰無負。春光去有期。動將經歲別。莫把曲卮辭。日
暖鳥鳴巧。風輕花落遲。詰朝須再會。還恐雨如絲。

己亥航海八都再別諸昆

因念高堂老。思爲升斗求。便從航海去。再向帝京
游。定省須承志。詩書好貯收。知交多不賤。前路乏無憂。

贈同年祖舫齋二首

每數金蘭譜。羣稱玉樹枝。文章如品格。肝膽見箴規。寡
與時人合。多承國士知。鑄君無好手。繡像買新絲。

素邨小草

卷九

五言律

十七

弱冠瓊林客。雙親未老年。名經原是佛。拔宅盡飛仙。驥
尾風雲絕。雞壇車笠偏。自非劉越石。合讓著鞭先。

臘月二十三夜過祖舫齋宅留飲

薄暮聊相過。剛逢祀竈靈。妻孥呼出見。賓主兩忘形。看
劍燒紅燭。設詩醉綠醅。夜深齊酌酹。顛倒卧雲屏。

二十四夜舫齋過寓留飲

昨飲猶餘興。今宵再一酣。碧傾新釀酒。時遵鬢紅擘。故
園柑橘相。有以福饋。觴政翻常例。卮言恣劇談。共忘辭與送。街

鼓已敲三

元夕同郭有堂張惠庵楊霽林何實齋王雨岩陳
質齋何嘉賓祖舫齋踏月虎坊橋

燈市春如水。柔情沒似煙。吳鄉逢令節。知已共流連。踏
月忘街鼓。追歡比少年。那堪分手別。歸去抱琴眠。

贈林道然

乍見便傾倒。相忘影與形。兩懷堪共白。雙眼忽垂青。晝
暇門常過。宵深榻每停。同庚更同里。莫嘆客蹤萍。

張惠庵席上食蟹戲詠二首

金玉質相兼。應符坤卦占。酒邊廢肴核。味外辨團尖。公

素邨小草

卷九 五言律

十八

子美無度饑。夫飽未厭。菊花新釀熟。樽盡每教添。
舌舐手雙拈。翻將匕箸嫌。醋薑皆佐使。紅白各清甜。八
座爭多取。殘筵禁始嚴。主人亦饗餐。幸不類蘇_詩。

蘋婆

香味皆殊絕。紅顏沒翠蛾。南方誇荔子。北地有蘋婆。譬
彼無雙士。其如異代何。安能移並植。寒暑換枝柯。

臘盡同何實齋林道然登瑤臺賞雪

曠野雲同色。遙峰雪滿岑。萬家璇作室。千樹玉爲林。兆
下豐年樂。陰凝歲暮深。誰能當此景。攜酒共登臨。

英

採採向江干。迴風湧紫瀾。雞冠紅錦碎。蝟腹藥珠攢。仙
女麻爲飯。騷人菊當餐。何如常伴食。磊落亂杯盤。

贈薛章軒

名已登金榜。官嫌百里卑。故園多杞菊。高卧傲皇羲。排
難無危險。疎財有厚貲。尤憐管敬仲。緩急每相資。

同張用珍游八仙岩

浮海共乘桴。懸崖訪奧區。峇深藏蝙蝠。洞古有蜘蛛。仕
宦煙霞志。蓬壺日月殊。至今山下老。猶說董江都。岩爲明董

素邨小草

卷九 五言律

十九

侍郎應舉別業

宿青芝寺

攬勝窮長日。黃昏古寺投。老僧初入定。山鬼遠吟秋。破
壁風如剪。空階月欲流。不須興廢感。身世類浮漚。

何介堂齋頭同郭蓋菴陳澄波陳質齋嗽荔

飽噉不知數。眞堪廢午餐。紺珠紅起粟。玉液凍成丸。香
透中邊味。清留齒舌寒。他年如結社。共擬製詩刊。

新開三徑八景詩

有序

每覽志乘無論通都僻壤必有八景形諸詠歌

是景必以入著又必以入限殊爲可笑余所居
偃仄諸友多過從共目爲新開三徑蓋取余自
題詩句語也有以此中景問者戲爲八景詩示
之觀者無不捧腹余亦不覺絕倒云

東廚曉煙

佳氣滿東廚。炊煙幾縷紆。釜中魚早泣。突上雀全驅。輕
送朝暎暖。濃疑宿霧鋪。晨餐兒女樂。餘醖到茶鑪。

西窓晚照

榭屋淺還低。斜陽返照西。勿懷趙盾畏。尙有夏農畦。半

素邨小草

卷九

五言律

二十

日聊閒曠。深宵好息栖。嶮藏影後。明月亦堪題。

空階夜雨

雨景偏宜夜。清虛萬籟空。初聞纔淅淅。欲辨已濛濛。庭
草連宵碧。林花向曉紅。聲階砌滴。畧勝客船篷。

小圃春風

半畝休嫌小。中藏無限春。東風最公道。不肯厭貧人。花
信廿四候。韶光九十晨。但能差免俗。何必隔凡塵。

門外犬聲

乍聽犬群喧。疎林月色昏。逍遙宜穩睡。聲影漫勞煩。豈

有盜穿壁或因客到門。信信渾似豹宛在輞川村。

樓頭月影

樓小月難留。容光逝水流。有時相照面。未敢望當頭。長
笛春宵永。疎砧秋夜幽。嬋娟影亦好。幾度費疑眸。

方塘蛙鼓

早晚鬧方塘。青蛙底事忙。千聲鳴羯鼓。兩部奏漁陽。解
穢藏池草。催花遍野棠。游魚如出聽。端不讓官商。

曲徑螢燈

腐草化爲螢。如燈點點青。流光廻曲徑。宵燭透疎櫺。繞
砌疑珠露。團階聚列星。不須乞藜火。囊此可傳經。

素却小草

卷九

五言律

二一

中秋宴雙江陳氏樓

萬里一輪秋。雙江百尺樓。今宵良宴會。何似廣寒游。我
欲乘風去。清虛不可留。銀河深淺處。應有舊查浮。

宿天寧寺贈象山

夜靜鐘聲遠。山空涼意多。松陰濃欲滴。月影淡如波。大
地紅塵劫。浮生白日磨。對君真夢覺。不厭數相過。

示內

富貴真由命。文章不療饑。母憐負米苦。嫂笑食糠肥。名

重徒增愧。謀乖亦畏譏。但存吾舌在。爭肯泣牛衣。

謝玉千饋楓亭荔子

丹荔首稱閩。楓亭品更珍。惠來欣過當。見已口生津。三日香無變。千錢價尙均。可憐妃子笑。但望嶺南塵。

龍眼

黃裏裹水膚。纍纍若貫珠。誰將龍刮目。未許荔稱奴。益智神能健。清心暑可驅。更憐嘉樹蔭。霜雪總無殊。

鮪魚

水族聚南國。鮪魚品最鮮。薰風初暖候。梅雨半晴天。質

素邨小草

卷九

五言律

二二

潔肪如玉膏。濃介似錢江。挑香色味差。可與齊肩

煙草

齊民皆吐火。異草遍生煙。品重金絲製。香須筠管然。微醺如中酒。聞氣早垂涎。擬補稽含狀。新詩或可傳。

九日越王臺登高

聊且登高去。荒邱帝子家。臺空無戲馬。木古有啼鴉。士女如雲集。笙歌送日斜。盛衰千古事。流覽莫興嗟。

新晴汎舟訪崔隱者不遇

新晴已三日。水漲未圓江。偶憶青山客。因乘白板雙。徑

隨雲樹轉。門掩薜蘿雙。剝啄無人應。空驚竹外虜。

萍

浪跡遍天涯。無根亦可嗟。前身總作絮。著水便成花。長
或隨新雨。枯因貼斷槎。幾回能結實。如斗不須誇。

團扇

雅有仁風播。圓真朗月齊。炎涼隨棄取。翻覆任高低。班
女三秋怨。湘東八字題。美人名士外。慚愧受持攜。

書諸葛武侯集後

不受孫曹聘。非甘作隱徒。文章本經濟。王佐出真儒。畫

素却小草

卷九

五言律

二三

瘁扶龍種。齊名勝鳳雛。建安詞賦在。能及此編無。

過崔隱者山居

徑異終南捷。詩藏潁水瓢。鬚眉閒歲月。蹤跡溷漁樵。人
語空山應。波光上壁搖。坐來歸去晚。回首白雲遙。

晚香堂

在大名府署韓魏公建公有詩云不羞老
圃秋容淡且看黃花晚節香因以名堂

一身兼將相。四海繫安危。譬彼經霜菊。清香晚更滋。邊
庭無牧馬。幕府但吟詩。畫錦榮歸日。功成鬢似絲。

送王叔鈞入蜀

政教分途異。經師遜宰官。高堂親並老。蜀道遠尤難。險

或驅車過。貧因捧檄歡。明朝送君去。我便整歸鞍。

過滹沱河

頃刻河流合。與王自有真。英雄多急智。感召竟如神。落日郵亭粥。嚴風客舍薪。我來水已解。波浪渺無津。

井陘

徑轉亂雲深。山高白日沈。諸軍驚背水。奇計出淮陰。已奪東齊氣。猶虛北面心。昇平無險阻。驅馬過長林。

豫讓橋

國士真殊遇。難寬智氏亡。不臣趙襄子。曾事范中行。死

素車小草

卷九

五言律

二四

日人流涕。呼天血噴裳。名存刺客傳。遷史實才良。

早度函谷

百二古秦關。雞鳴過客閒。河流長似帶。華嶽翠如鬟。白馬今何在。青牛去不還。棄繻空有志。自是請纓難。

天下黃河第一橋

山夾河流急。崖分棧道通。千聲奔怒馬。百丈臥長虹。源近乘查易。工神鞭石同。凌虛行且止。身似御天風。

由垣曲至聞喜行杏花林中

十里紅爲雨。千林花作瓊。馬過碎錦地。身在衆香城。帘

影前村酒。簫聲何處。武陵人到此。未必便無情。

過溫縣呈周明府

八載都門別。重逢鬢已華。弦歌儒雅治。文字大方家。
欲問陶潛柳。猶栽潘岳花。其如民不捨。歸去道應遮。時已

告歸將解組矣

渡黃河

滾滾浪淘沙。臨流重嘆嗟。三年長作客。萬里未歸家。宗
慤乘風志。張騫汎日楂。可憐無一似。贏得鬢將華。

再到大名呈紀三

素邨小草

卷九

五言律

二五

蹤跡遍幽并。星霜已再更。途長知客况。別久見交情。詩
逐風塵積。官如山水清。暫來相探望。又欲賦西征。

秋柳送別何嘉賓

南鴈千行盡。西風一夕過。青驄休更繫。玉笛忽悲歌。灞
岸長條少。蕭關落葉多。客中還送客。欲折奈愁何。

聞鴈

四海誰賓主。天涯有弟兄。一行來遠塞。萬里送秋聲。桐
葉西風急。蘆花夜月清。鄉書難却寄。蹤跡似浮萍。

鴈字

鳥跡舊通神。書空屬鳳臣。開天先畫一。大筆特稱人。衡
嶽迴文巧。華峰落墨新。籠鶯如可換。雞鶩總非珍。

滿城除夕同葛輯五

去歲依祁縣。今年在滿城。一身爲客慣。萬里故人情。臘
向杯盤盡。春隨鼓角生。吟詩齊不寐。簾外曉星明。

初春五日同葛輯五游一畝泉

策馬踏殘雪。來看一畝泉。鳴琴多暇日。行樂及新年。乳
竇星星活。流澌箇箇圓。誰知濠上趣。相對各悠然。

同葛元範游抱陽山古洞

在滿城十二里

素邨小草

卷九 五言律

二六

俯瞰疑無地。升階別有天。山靈真狡獪。頑石盡成仙。朗
照水壺鑑。光參暗室禪。與君書歲月。姓字碧巖鐫。

張桓侯廟

卽所居故址

散財集鄉勇。結義得英雄。氣蓋三分國。居存半畝宮。荆
襄空雪恨。巾扇獨臨戎。咫尺樓桑近。臣鄰享祀同。

釣臺

遠水寒流碧。荒臺夕照紅。有才堪得鹿。無術悔存弓。三
族夷何酷。千金事已空。不如嚴瀨叟。垂釣足高風。

漂母祠

入勝輕年少。登壇動至尊。風塵無國士。窮餓識王孫。早
薄千金報。非關一飯恩。忍心如呂雉。鐘室久沈冤。

同游大和話別

皎皎人如玉。青青眼一雙。憐才過北海。剪燭話西窓。落
月空梁照。疎鐘野寺撞。孤舟明日別。楓葉冷吳江。

菱角

出水如新浴。冰膚褪紫紕。剝猶防手刺。咀便透心寒。宛
轉三隅反。平看一角端。賦形亦穎異。莫羨芡雞冠。

孤山

素邨小章

卷九

五言律

二七

只有吟梅句。而無封禪書。死應猶化鶴。生不食飛魚。宋
德唐虞異。君心箕頰如。可憐神處士。忘却出山初。

贈族孫贊元秋捷

纔擢芹池秀。旋攀桂窟枝。一家多隱德。三代老名師。後
必有達者。當于子始之。春風應得意。况是少年時。

正月三日大雪

絮舞花皆六。鹽堆尺已三。天風寒作雪。地氣北而南。如
掌吾經慣。驚心衆聚談。嶺梅開遍否。須策蹇驢探。

萬松關

雄關當險塞。窈窕絕塵氛。巖壑千重合。陰晴半嶺分。松
風吹急雨。澗石盪層雲。客子長途倦。愁心對夕曛。

九月初五日

老母壽日因選惠安回省考驗

適以是日到家賦呈

高堂稱壽日。游子忽還家。捧檄慙無限。因官養轉賒。程
期難久滯。觴酒勸頻加。恰值重陽近。東籬侍看花。

將赴惠安再呈 老母

門外促征鞍。堂前拜別難。敢忘平昔訓。稍玷此微官。囊
澀途偏遠。霜深歲漸寒。春風和暖候。迎養好承歡。

素邨小草

卷九 五言律

二八

挽林恒岱秀才 有序

惠安署中夢林恒岱告余曰鬱鬱深埋玉悠悠
孰鑄金醒甚異之不數日而凶問至矣卽用其
語作起成五律寄挽

鬱鬱深埋玉悠悠孰鑄金。異鄉來入夢。死別見知心。庭
竹無風動。空梁落月陰。可憐成永訣。遙望一沾襟。

送嗣衡姪北上

癡比王家叔。賢憐阮氏威。設鋒多起發。文字每增茂。連
步青雲路。長拋白紵衫。臨岐如見獵。心喜送征帆。

南溪書院

紫陽夫子載震之地中有半畝方塘

半畝方塘淨源頭活水通。千秋鍾間氣。萬古發羣蒙。異

學攻何急。吾儒道愈崇。高山不可極。葱鬱仰文公。前後二山

草木叢雜夫子將降之夕野燒同時並起山形現出文公二字

畫卦洲

紫陽夫子幼與羣兒戲畫八卦于洲上

畫卦尙名洲。先賢手澤留。至今沙上迹。溪水不能流。幼

識乾坤蘊。嬉如俎豆游。往來人起敬。時繫木蘭舟。

別童明府

牛刀空小試。美錦製無由。每以談經暇。同為適野謀。政

素邨小草

卷九 五言律

二九

寬民有恥。仕久學還優。握手銷魂別。河梁滿目秋。

癸丑除夕

詩思爭春發。雄心共歲除。不癡常見賣。有願竟誰如。酒

爲辛盤進。鐘當午夜疏。迎新兼送舊。星沒曙光初。

實齋過署留飲爲畫蘭並綴以詩依韻奉和

異鄉逢知己。臭味芳如蘭。寫我襟懷意。餐君芹芷盤。斗

室塵埃絕。瀟湘煙水寒。高吟追古操。此調誰能彈。

送實齋

同作他鄉客。君歸在我先。平生共休戚。小別亦流連。驛

路多芳草愁心逐逝川。中秋佳節近，明月到家圓。

九鯉湖

羽化何人見，相傳衆口同。湖猶留赤鯉，亭或記丹楓。自有神仙骨，非關服食功。誤他貪慾輩，吸露與餐風。

夾漈草堂

讀書存巨眼，不仕見深心。半畝草堂古，四圍丹荔陰。前承杜京兆，後起馬端臨。鼎峙將千載，何人墜緒尋。

喜贊元到署

冷署誰相過，門前忽解鞍。一家爭慰問，長路喜平安。待

素邨小草

卷九

五言律

三十

入芙蓉幕

時代薦入
仙遊幕

聊加苜蓿餐，吾宗多繼起。如子是

芝蘭。

晤何卿彩

共作垂髫友，今成禿髮翁。眼因狂愈白，顏以老彌紅。傀儡場皆戲，聖賢時復中。可憐二十載，蹤跡各西東。

丁巳元旦

頻年多作客，今歲在家鄉。應被梅花笑，欣聞栢酒香。春
新人漸老，心暇境偏忙。又欲東裝去，扁舟汎海洋。
時將渡臺

題廣林寺

地僻松關掩。客來棲鳥窺。曲欄隨徑轉。清磬出林遲。花
雨諸天界。靈風聖女祠。寺有觀。察永公女祠。山僧倘相問。家世本
茹芝。

宦游海外抑鬱無聊。回首鄉園不勝悵望。適有以
采菊束籬下詩見示。因用其韻漫成四律。

海外已秋風。丹楓葉未紅。菊開芳徑晚。人醉竹籬東。插
鬢香盈袖。餐英碧映筒。暫消岑寂况。甚勿擬陶公。
故里憶春風。芳菲照眼紅。宦如秋冷淡。花滿院西東。策
杖誰攜酒。裁詩欲寄筒。夜來悲蟋蟀。清夢似坡公。

素却小草

卷九

五言律

三一

剪剪蓼花風。空林落照紅。折枝供硯地。學圃傍牆東。去
草泥沾屐。分泉水湧筒。真成吏隱癖。任喚作園公。
更欲御天風。塵寰一望紅。采芝雲以外。賣藥海之東。擲
盡葛陂杖。次殘嶮谷筒。喬松相把袂。吾不羨王公。

八月二十八日大風

海外麒麟颺。漫空風火過。崩摧連屋宇。糜爛遍田禾。慘
目心猶悸。哀聲聽轉多。不知司牧者。撫字或催科。

聞賑

聖德如天厚。官文似火催。特分內府帑。賑此下民災。

怡法人爲急。因公寶每開。迂儒空塵念。誰是濟時才。

寄游鄂園

動是經年別。歡無十日留。好因公事便。來解故人愁。
本公薄酒醅初漉。新篁筍正抽。知君亦寡合。可有憶儂
來鳳不。

雨後有懷

春江一夜雨。綠水曉平隄。巖壑微雲宿。沙洲老屋低。鷗
盟招舊侶。燕語喜新泥。我欲乘流去。扁舟汎剡溪。

中秋

素邨小草

卷九

五言律

三二

秋歸明月裏。人在露華中。不信一輪滿。清光此夜同。查
橫銀漢渚。杖擲廣寒宮。我有家山思。蒼茫雲海東。

聞叔兄秋捷却寄二首

不用家書報。爭傳海外名。文章原有據。大器晚能成。差
慰先人志。應增阿弟榮。青雲看直上。

皇路正

昇平

深愧著鞭先。于今二十年。公車楊柳陌。上苑杏花天。
我爲迂疎廢。兄當黼黻宣。恨身無羽翼。如鴈共聯翩。

九頭柑

奴視千頭橘。金包九瓣柑。貢馳驛騎北。種勝洞庭南。戶
擬侯封萬。春攜月正三。笑他蘇子傳。但識楚黃甘。

籠中百舌

賦質無殊異。常爲百鳥鳴。胸中何了了。外貌却平平。已
受多能累。還因習狎輕。有時憐遠客。偏作故鄉聲。

冷宦

冷宦如孤客。深秋似晚春。無書消積悶。有用惜閒身。對
酒寧拘卯。看花每及辰。微吟聊適意。不爲語驚人。

種桂

素邨小草

卷九

五言律

三三

一株叢桂種。分自小山來。葉不經霜改。花偏應月開。須
知化雨力。卽是倚雲才。氣味同蘭臭。餘香散古臺。

對菊

閉門成老圃。秋色滿籬東。晚節偏能豔。凡花迥不同。影
如詩思瘦。味與酒香融。吩咐休頻採。衙齋伴桂叢。

題柯繩書竹屋

土木終嫌俗。蓬茅亦易荒。齋眞如綠玉。樓不羨黃岡。霽
月一庭碧。清風四壁涼。高人多雅趣。君子合名堂。

作客

不知身作客。到處便爲家。豈是忘憂草。荷穉語花涼。
風來北牖。清夢入南華。諸事多輸昔。詩篇日漸加。

蓮花潭觀雨

怪底方塘外。聲聲落卷荷。水昏雲乍曠。風急雨偏多。珠
走盤頻響。藍堆鏡未磨。晚晴天氣爽。斷續聽漁歌。

書懷

壯懷三不朽。老至百無能。面目寒如鐵。衙廳冷似冰。盲
風花葦重。腥雨海雲蒸。仕道違初願。頭銜那要增。

題素邨
有序

素邨小草

卷九

五言律

三四

故居園號素邨。余幼讀書其中。後數遷徙。必構
小築。仍其舊名。不忘所自也。今老矣。雖無能爲
而本來面目未失。因題數語以紀之。

小園真樸素。畧似野人村。君子不願外。此心兒所存。功
名難力致。道義有常尊。他日留遺蹟。何如遁德門。

和鄭雲軒立秋卽景原韻

蝸角嘆名虛。南山有敝廬。秋風起天末。梧葉落庭除。職
小休言事。家貧悔讀書。但能免拘累。便擬遂吾初。

對簿

有獄皆羅織。無冤不覆盆。况關通省弊。肯許盡情言。高位渾如此。卑庸安足論。小臣心可剖。萬里嘆君門。

讞成

報國亦何罪。爲民反見尤。既投大吏忌。自合小官休。四十條真歎。三千里放流。不知入告後。深夜問心不。

謁蔡江門先生祠

厄運丁陽九。偏將大義伸。生前能罵賊。死後自爲神。野老談猶泣。遺祠古尙新。吾聞多氣節。君更是成仁。

登漳江閣

素邨小草

卷九

五言律

三五

飛閣倚雲深。愁人萬里心。天連三楚遠。山入八閩陰。鴻鴈秋聲急。闌干夕照沈。所嗟身是客。不敢數登臨。

甲子初度

五十七年人。三千里外身。紀元書甲子。初度嘆庚寅。謫比長沙遠。愁隨蔓草新。桃源遺跡在。何處問迷津。

題墨菊

逸興愜幽隱。淋漓潑墨奇。種誰傳永壽。花已遍疎枝。晚節清如此。秋容淡更宜。牡丹誇富貴。圖畫費胭脂。

贈宋懶庵二首

去國三千里。涉江似屈平。謫居誰過問。傾蓋見交情。學
愧吳才老。名聞宋子京。偏師難角立。五字有長城。
異地逢知己。歡多敢恨遲。深人無淺語。坐對每忘疲。才
爲窮愁拙。書因致富奇。閩山汾水外。他日費相思。

丁卯初度舊日門人燕化南石他山燕紹庭王登
魁程之亮王登第皆僻處遠鄉同時而至留飲
寓齋是日適應龍陽陳錦川之聘誌感兼留別
不約同時至。稱觴祝老身。六旬初度日。千里未歸人。暫
應龍陽聘。言充馬帳賓。乍逢還惜別。蹤跡愧風塵。

素却小草

卷九

五言律

三六

同黃實夫汪潤溪王勗齋宗怡然墨池避暑
草聖去千載。墨池跡尙留。至今池水黑。時有墨花浮。我
亦顛狂客。來爲避暑游。三杯渾已醉。吟罷欲濡頭。

題徐蘭谷王翬畫卷

心折王維畫。相攜當臥游。萬峰蒼翠合。夾岸荻蘆秋。遲
我煙霞志。從君筆墨求。願爲圖小像。物外汎虛舟。

紅石一卷高三寸許得于臺灣土番瑯嶠溪中歸
裝藏之書篋遷謫桃源不見者四五年矣丙寅
森兒省余攜以俱來以越窄盤貯水養之爲案

頭清供色漸鮮質漸長文理漸變亦異物也
因名之曰靈石云

靈石秀而丹玲瓏日收觀來從閩海嶠貯以越甯盤久
別時相憶他鄉續舊歡頑然堅確者未許作衙官

喜崇鐸秋捷邛寄

料第事尋常英年力正強諸孫先脫穎吾

祖澤深

長

鐸與余同祖爲諸孫行

更捷黃金榜爭看白面郎元宗今有汝

老朽廢何妨

送曾湘亭致仕歸湘潭

素邨小草

卷九

五言律

三七

解組歸休去林泉老最宜相看惟有淚繼見更無期義
氣如山重愁心逐水馳願爲湘浦月常照絳紗帷

眼鏡

鑿黓發羣蒙能回造化工却疑儼四目莫訝項重瞳深
淺人心合光明眼界空幸余年老大烟烟尙如童

素邨小草 卷十

七言律

閩中 吳玉麟

齋壁新聖陳若川爲畫蘭因題

任他富貴自稱王。讓彼清寒殿衆芳。伍草聖人曾有操。
論花天下更無香。素心迥出塵埃外。臭味都教色相忘。
斗室煩君圖四壁。一時煙雨滿瀟湘。

獨釣寒江雪

嚴風剪剪雪霏霏。取次山村盡掩扉。半領羊裘誰是伴。
滿江煙靄竟忘歸。乾坤歲月隨流水。富貴功名在釣磯。
素邨小草 卷十 七言律

欸乃一聲杳然去。桃源深處解人稀。

和曹詞丈元旦原韻

君家繡虎最風流。詩賦名高漢代留。去後更無追八斗。
于今洵足並千秋。閒中甲子書應遍。筆下波瀾老未休。
柏酒椒盤對華髮。看他富貴寺雲浮。

登望北臺遂筭松風堂遺址

巍然俯視大江濱。兩水潞洄一嶺分。萬壑松楸吟鬼雨。
數聲鐘磬落慈雲。高臺望北人何在。暮景沈西鳥喚羣。
忠定遺風足千古。更尋碑碣讀殘文。

和克纘王二丈見贈原韻

典型少小式鬚眉。刮目深蒙國士知。
益友通家問字勝嚴師。才堪倚馬貧偏甚。
飲每聞雞樂不疲。誰贈買山錢百萬。
指囷無力但嗟悲。

游鼓山

登臨是處足移情。况此名山冠郡城。
衆壑閒雲蒸石潤。亂峰飛瀑護花明。
煙開遠樹龍蛇動。屐響空林鳥雀驚。
我欲更窮千里目。天風吹送海濤鳴。

鸚鵡

素邨小草

卷十

七言律

二

綠衣紅背絕纖塵。巧舌靈心性更馴。
武仙郎本是前身。家無惡鳥休驚夢。
詩有新篇好上唇。得伴幽人亦雅事。
底須隴外憶歸頻。

呈黃莘田先生

先生名任字于莘。早歲捷巍科。各

意効以詩酒廢事歸舟。惟載端溪十研。榜所居
日十研齋。著有秋江集。香草箋。行世。壬午重宴
鹿鳴。今年已八十四矣。

弱冠名傾四海豪。小鮮共笑鼓牛刀。
一行作吏催科拙。十研歸耕解組高。
綵筆夢花傳別恨。錦箋香草續離騷。
鹿鳴重宴今猶健。回首秋風白髮搔。

贈陳朝衡

雷名貫耳舊曾聞。見面纔知勝所云。臭味暗投先縞紵。
切磋餘事到詩文。連宵話盡樓頭月。小別魂銷隴上雲。
不解從來疎懶甚。每于君獨致殷勤。

贈何秀岩

玉樹叢中第一枝。文壇牛耳舊同推。設元最愛何平叔。
載酒頻過吳隱之。十日每傳高曾檄。七人先已著鞭馳。
同社七人秀岩年最長
乙酉秋入泮遂申副車建安風雅今猶昔。鼓吹休明正
及時。

素圃小草

卷十 七言律

三

釣龍臺

釣龍人去釣臺空。逐鹿曾經割據雄。古井斷甃崩宿雨。
殘碑遺字蝕秋風。漢家禾黍千年盡。海嶠車書萬國同。
只有青山長不改。夕陽西下水流東。

得道標來札

風流才子最情多。一幅相思寄衍波。捧讀便如依左右。
夢魂應不隔關河。對人馬齒慚加長。鳴匣魚腸尙未磨。
知己酬恩無限事。頻年其奈別離何。

上巳日同社諸友讌集小園

綠楊如黛草如煙。恰值春光欲暮天。花底相邀脩禊會。
蘭亭可似永和年。酒當合急觴爲政。詩到神來句欲仙。
我輩風流非曠達。旁人莫擬竹林賢。

答楊亦寧見寄

千古知音屬子期。相逢何必尙嫌遲。憐君風雅真無敵。
惠我篇章慰所思。天下儘多談此事。眼前今喜得吾師。
晉安宗派繇繇在。擬鑄黃金繡色絲。

月窓和韻二首

應是三生有夙緣。泥人一笑倍嫣然。唾壺凝淚歌金縷。

素邨小草

卷十七 言律

四

紅葉題詩解翠鈿。越嶺風花春共惜。楚天雲雨夢相牽。
裴航病渴真無賴。訴盡芳心與裊煙。
訴盡芳心與裊煙。裴航病渴有誰憐。到來漫作聞香會。
歸去難營種玉田。月地雲階長記憶。金釵銀枕舊因緣。
但留一點情根在。定化他年並蒂蓮。

道標初回來相晤小飲留宿

君今近過可平安。閱歷應知行路難。久別乍逢如隔世。
多愁無奈強加餐。到窓落月當梁照。入夢冰壺徹夜寒。
幾許相思欲相訴。却憐相對但相看。

哭楊亦寧

謫生幻化兩無因。弱草難栖野馬塵。一瞬固知同百歲。
九原何以慰雙親。許多氣誼消風露。空剩文章泣鬼神。
今日哭君腸欲斷。他年誰是哭吾人。

夜集環翠居和溫漁山韻

烏栖華屋水周堂。丁字闌干亞字牆。夜合開時新月上。
睡香濃處晚風涼。金釵報落筵皆醉。紅粉驚迴語亦狂。
他日感甄如作賦。一生知己有明璫。

寄唐天澤

素邨小草

卷十

七言律

五

丈夫自古禁磨鍊。莫遣風流遜昔時。巴雨夜寒誰剪燭。
江雲日暮苦吟詩。與君同上三生石。繡子廬添五色絲。
不信陳平顏冠玉。長貧空負魏無知。

月窓題壁集唐

辜負穠華過此身。柳眉梅額倩妝新。寧知楚客思公子。
猶是韓侯舊主人。東澗水流西澗水。錦江春似曲江春。
花枝滿院空啼鳥。蛺蝶雙雙護粉塵。

七夕集唐

水紋珍簾思悠悠。簾幙襜褕不掛鉤。去日苦多來日少。

他生未卜此生休。看花誰與重攜手。好月那堪獨上樓。
可惜凌波步羅韞。曉屏無睡待牽牛。

贈辟支二首

有序

辟支以麗姝入空門。能詩善畫諸友多。從之游
索余贈詩。余非學佛人。不知禪理。漫成二律。諸
友以爲得無間義。辟支亦以爲悟上乘。法陳若
川爲作烏絲欄。書黃庭小楷。辟支喜而藏之。以
爲他日證驗云。

除却書顛卽酒顛。世人交謫爾偏憐。點頭聚石頑能解。
素邨小草

卷十 七言律

六

微笑拈花妙不傳。春夢三生多綺語。秋波四壁悟情禪。
凡心到此應消盡。樓閣參差月影圓。
生老病死苦事纏。眼耳鼻舌意自然。五蘊借他無處坐。
萬緣遲我一齊捐。女人身現瞿曇相。才子名登選佛天。
會得空花都小著。紅塵十丈有青蓮。

謝辟支以念珠見貽

共言龍頷人難近。那得鮫宮淚許多。一點禪心時記取。
幾回薌澤舊摩挲。閒持古佛三千遍。靜聽疎鐘百八過。
錫我神珠如意好。爲消塵障爲消魔。

秋夜

月華如水靜無波。人比黃花瘦更多。醒亦徒然爭似夢。
哭應不得且爲歌。漫思遠事千年計。又見秋風一度過。
楊柳芙蓉俱零落。小山叢桂竟如何。

秋齋燕至

鴻鴈隨秋度遠關。誰令歸燕更南還。棄巢忘却梁間語。
翻幕重驚夢裏閒。露冷階前無蔓草。風清塘外有芳蘭。
東家不乏遺書客。休蹴寒花落滿山。

送姜脩爵

素邨小草

卷十

七言律

七

閩安橋下水潺潺。卮酒無歡強笑顏。屈指交游凡幾輩。
平生休戚最相關。魚書莫惜雲天迥。馬帳空嗟歲月閒。
甚欲從君苦留滯。夜深飛夢過千山。

衰柳

已自蕭疎入畫圖。况兼雲鎖與煙扶。眼因送客時時倦。
絲爲牽情寸寸枯。古道秋驚風似剪。橫塘春憶雨如酥。
纖腰折後蛾眉老。試問流鶯認得無。

壬辰元旦立春夢中得句云二十五度好春光。是

年余二十五也醒而續之

二十五度好春光。蟻螿淳于蝶化莊。佳節飲餘迎歲酒。
梅花香是隔年妝。爭他虛譽驚流俗。續得詩魂寄睡鄉。
自覺近來差勝昔。添些風雅減些狂。

月窓夜話二首

閒情細訴可憐宵。終喜相逢恨轉遙。玉竹無緣來白屋。
瓊漿空指乞藍橋。心香藏袖隨魂斷。眉月當窓著意描。
莫唱夜啼烏一曲。潘郎毛鬢已蕭蕭。

金釵鈿合苦相邀。盟石三生費久要。所恥不才徒戀棧。
豈能無怨在吹簫。多情大半爲身累。觸緒紛來與目招。

素邨小草

卷十七 言律

八

此去侯門深幾許。枉將紅淚寄鮫綃。

小園夜集賞菊偶成四律

一籬清殿九秋霜。種得繁英近小陽。絕世高風花隱逸。
滿庭涼月夜昏黃。樽開老圃人同瘦。吟入新詩韻亦香。
誰向園圖雅集。分茵平坐醉飛觴。

年來清興未頽唐。烏几湘簾一瓣香。只合丰標同杞賦。
更無穠豔到秋芳。疎花淡沒都非俗。蔓草蕭蕭已阻霜。
應與高人投臭味。幾回移影上書牀。

閒將花譜品羣芳。紅燭膏燒漏正長。連夜招飲抱甕不

忘深愛護。吮毫還爲寫。繡人歸彭澤。餘三徑。客過瀟湘製九章。借問風流誰得似。一枝低壓帽簷香。

多君結伴共尋芳。門巷幽深苔蘚荒。名士襟懷恒托物。美人遲暮亦堪傷。便爲十日留連飲。絕勝千春豔冶場。我有醇醪三百斛。不煩相送白衣裳。

再疊前韻四首

塘外蒹葭夜有霜。迷離秋色勝河陽。重來客共慙心素。相約花須滿意黃。楊柳亭臺凝暮靄。芙蓉簾幕扇幽香。從今更索頻頻會。莫擬尋常狎酒觴。

素邨小草

卷十七言律

九

依稀神女下高唐。翠袖闌珊竟體香。節可耐寒方立品。清猶絕艷信孤芳。一庭花氣風當夕。匝地秋痕月似霜。凡卉可憐搖落盡。紛紛桐葉下銀牀。

名花嘉客兩爭芳。酒正酣時興正長。鶻挹醪醕飛翠羽。詩成珠玉灑青絳。自從招隱歸籬落。何必分榮近建章。最是鐘沈燈熄後。睡鄉魂夢亦生香。

聲聲鶻鳴歇羣芳。屋對南山徑未荒。盡日招邀真好事。悲秋作賦爲誰傷。芬菲滿眼題花史。風月隨人作醉場。我欲閉門成小隱。紉蘭爲佩此爲裳。

三疊前韻四首

花花葉葉飽經霜。綺席頻聞對夕陽。滿院清風飛蝶粉。
十分秋色醉鶯黃。陸離誰與鋪寒玉。護惜都教熟暖香。
何似涼園桃李宴。莫辭燒燭夜傳觴。

牡丹國色太荒唐。尙欠疎枝一段香。歷盡榮枯留晚節。
羞同繁豔鬥春芳。陰陰暮景三更月。颯颯晨風五夜霜。
直與花神成夙契。朝朝花底共聯牀。

百遍微吟意自芳。花期屈指思偏長。裁巾已剪新秋葛。
製枕還縫舊畎緇。好比春風坐一月。惜無學士賦三章。

素邨小草

卷十

七言律

十

落英餐罷精神爽。餘味消歸齒頰香。

騷人自昔愛幽芳。花圃怡情不當荒。始識易周皆薄植。
幾回欲採轉憐傷。又爲貞友添佳話。恰襯維摩好道場。
惆悵芙蓉俱冷落。擬將珠佩聘風裳。

咏淚得聲字

薛氏壺中血染成。鮫人盤裏更盈盈。漫云兒女偏多恨。
任是英雄也有情。虎帳歌殘傷永別。馬嵬香冷泣他生。
最憐白傅青衫濕。明月琵琶江上聲。

愛妾換馬

萬里馳驅夙所歡。千金惜別淚闌干。他年奮轡應長馭。
此去深閨莫永歎。自是不才思附驥。豈能無恨怨分鸞。
可憐莫北蛾眉月。偏照離人倚繡鞍。

春日郊行飲江氏園

十里春郊好畫圖。畫圖深處有名姝。喚回香夢驚蝴蝶。
譜就新腔唱鷓鴣。自是三生狂杜牧。肯將一石讓淳于。
無情鸚鵡催歸急。楊柳梢頭日未晡。

再飲江氏園

綺語柔情詩思兼。畫堂人靜免猜嫌。花容未睡宜燒燭。

素邨小草

卷十

七言律

十一

月影如波不捲簾。酒爲微醺斜眼角。曲因揭調損眉尖。
獨憐小宋春衣薄。自脫香肩半臂添。

清明日經舊游處

惜春每目踏春遲。過盡清明總未知。芳草綠侵公子鬢。
垂楊織似美人眉。青驄油壁風流絕。細雨寒煙日暮時。
可是曾經歌舞地。十年離恨不堪思。

林雲水先生過訪以詩見贈留飲和原韻

不肯侯門一曳裾。獨過陋巷爲停車。贈詩吟唾皆珠玉。
留客盤餐但韭蔬。九牧家聲追蘊藻。三山宗匠繼曹徐。

倘容載酒元亭下。願讀先生萬卷書。贈詩有酒煮豈能
忘與操榻懸未可

謂無徐之句先
生家藏書甚富

夜來香 有序

甲午七月二十七日夜夢園林一所見夜來香

一棚盛開有美人明服淡妝姿容恬雅手執花

箋請余賦詩索筆題七律一首題竟擲筆驚寤

不去高唐夢楚王。酒闌燈燼月蒼蒼。自饒冷豔消殘暑。

頻逗芳心過短牆。春意困人新睡足。晚妝當戶好風涼。

游蜂浪蝶休相逐。留襯堆鴉兩鬢香。

素邨小草

卷十七言律

十二

隔鄰王氏看菊和壁間原韻

蟲聲唧唧透窓紗。三徑煙深露有華。培植疎枝留晚節。

平分秋色過鄰家。余園中亦有
秋英數十種祇今南陌餘衰柳。每憶

東風怨落花。誰是白衣頻送酒。醉歸須插帽邊斜。

同斯沛先生登鎮海樓

仲宣作賦慰羈愁。崔灑題詩壯遠游。名士每多登覽興。

與君同上最高樓。嵐煙隱現千村暮。草木蕭森四野秋。

可是無諸逐鹿地。青山長在水長流。

送何嘉賓入

都就贅兼呈郭慎庵

才華久已冠文場。雅度旋教鄙吝忘。阮籍何曾青眼少。
季常若爲白眉長。丈夫不灑離羣淚。知己應迴惜別腸。
恨與水清樂彥輔。芙蓉鏡下看新郎。

酬林雲水先生

壇坫名高老愈馳。虛懷時復見于詩。敢同孺子當陳榻。
常得山公醉習池。家富藏書多剞見。身親酬和豈聞知。
晉安風雅今淪落。獨有如椽筆一枝。

附原作 弱冠能文譽已馳。臺南日更許談詩。從
來騏驎非稱力。豈有蛟龍久在池。旗鼓聞多三舍

素邨小菴

卷十

七言律

十三

避琴樽恨晚十年知。君家玉斧傳脩月。看取春風
第一枝。

春日同何卿彩薛韋軒梁友敬陳朝衡蘇建東集
何秀岩西郊草堂分得圖字

便應繪作竹林圖。賢主嘉賓四美俱。酒可消愁愁却有。
花能解語語偏無。任他野外鳴鷓鴣。且向筵前聽鸚鵡。
幸免季倫三斗罰。醉歸不用倩人扶。

最銷魂是賣花聲

最銷魂是賣花聲。散作香風滿錦城。壓擔芳菲招浪蝶。

隔林斷續雜流鶯。前村擊鼓催攜酒。深巷吹蕭喚買餚。
一種撩人春思亂。青閨多少夢難成。

詠西府海棠

分得江字

紅雲萬朵照紗窓。繡幄千層擁翠幢。開向春先應第一。
品非梅聘更無雙。不香也合居金屋。分種何須乞錦江。
盡日流連宵秉燭。詩城似鐵酒難降。

聞人說天台之勝

天台佳境語能描。萬八千尋插碧霄。華頂雜聲滄海日。
赤城霞色浙江潮。峰迴九折堆螺髻。瀑響千巖匯石橋。

素蘭小章

卷十七 言律

十四

我欲夢游經累月。遍題諸勝貯詩瓢。

酒兵步韻

誰遣妙算破愁城。號令文壇酒作兵。儒將風流唐太白。
詞臣露布晉淵明。首擒竄崇爲俘虜。七縱詩魔尙橫行。
須識折衝樽俎易。青州昨日報書盟。

送詹天澤之建寧

數行疎柳映征衫。江上青山日半銜。莫以壯游忘作客。
好將詩句寄遙函。清溪夜月勞魂夢。故國秋風老檜杉。
惆悵孤舟從此去。朝朝天際望歸帆。

和鍾心青西樓感舊次韻三十首

有序

方無煉石補難完。離恨之天杖已成。籠縮豈盡
相思之地。才人下隨廝養。終古傷心。新婦未配
參軍。半生遺憾。言猶在耳。期白首以同歸。願不
由人痛紅顏之易謝。感深哀逝。觸緒千端。情類
悼亡。愁腸百結。爰摛詞而寄慨。因撫景以生悲。
維彼麗人。實追古媛。姓環珠斗。光聯翼軫。齊輝
名取金衣。心比燕鴻。獨巧別秦淮之夜月。托閩
嶠之春風。綵湧浮雲樓居西北。紅升曉日門對

素邨小草

卷十

七言律

十五

東南雖殊。編竹之幽。頗擅玩花之勝。芳姿灼灼。
豔奪天桃。丰度翩翩。弱輸緜柳。擬壽陽于春睡。
廣額梅新。羨虢國于早朝。脩眉黛淺。蘭心蕙質。
香迷蜂蝶之魂。細骨輕軀。跡泯沉檀之屑。綺窓
詠物。才比江妃。翠幕繙書。博同蔡女。筆陣與詞
壇並峙。迷離燦五色華箋。鍼神鬪畫史。分曹濃
豔。掃六朝金粉。吹簫聲而引鳳。舞翻自紵之衣。
鼓絃索以驚魚。歌按紅牙之板。明珠上掌。未肯
輕投。美玉抱懷。惟需善價。持身習禮。日垂藥楮。

之簾避俗防嫌時祕花開之鎖緣絲蘿之舊誼
因瓜葛以相依叙謝傳恩私高堂拜母愛王郎
雋望後院呼嬌常開翡翠之屏深許蒹葭之倚
疎檣夢醒閒看梳頭棐几燈殘醉邀擊腕誠笑
言之不避亦儂汝以無猜步韻分題娘子軍八
門布陣手設角綵夫人城三築受降日出當心
誓堅金石星明乞巧佩解珠環詎知水語難憑
似鳧汎水共奈萱枝不定如絮因風司馬家貧
難購裝航霜杵茂先囊涸何來溫嶠玉臺太歲

素邨小章

卷十

七言律

十六

少犯東方未合乘龍之選生日剛逢南斗遂違
中雀之心兼以種玉田中豪華羨美不惜布金
橋上燕婉深求堪笑蓮條漫飾麒麟之種可憐
枳棘竟成鸞鳳之栖峽裏行雲飛隨朝暮門前
溝水流任東西偶因慰問之儀用潔棗脩之贄
花稱姊妹月見嬋娟啼笑皆非恨今日之遷次
恨羞參半減別後之容光溫柔鄉化作愁城綺
羅場翻爲怨府嘆遇人不淑病骨難支嗟之子
無良浮生若寄易安落魄多填哀豔之詞朱淑

銷魂慣詠離愁之句。藥鑪經卷嬌影零丁。射覆
藏鉤風流長已。空花易滅誰憐短命之花。弱草
難栖。況是斷腸之草。玉樓促駕。忽召書仙。龍女
尋盟。遽歸蓮窟。琉璃匣閉蛙喧。習字之池。玳瑁
梁空。鼠瞞堆書之榻。受九靈祕錄。合登初利天
中。悟四壁情禪。塵返來香國裏。西樓鏤雪競傳
幼婦新詞。南陌埋香長誌。玉京舊塚。從此編之
蘭畹。朱顏哭殺婁東。他年留作花田。青塚魂歸
塞北。愧無綵衣妙術。邀影像于碧落黃泉。願借
墨瀋英靈。訴衷情于金釵翠鈿。已矣心等春蠶
身到分時。絲不斷。傷哉怨同杜宇。啼無聲。處血
猶紅。地老天荒。莫問太真之信。海枯石爛。難消
精衛之心。次韻攄愁。千載多情。應哀吟而隕涕。
長篇寫恨。百年有限。每感舊以傷神。雖遠遜秋
風落葉之詞。亦聊擬夜雨淋鈴之曲云爾。

金堂西壁粉牆東。十載華胥一夢中。好色誰能如宋玉。
恨人僕亦是文通。王孫綠遍鬅腰草。少女涼生扇面風。
試取瑤琴彈舊曲。求凰哀怨變離鴻。

素邨小草

卷十

七言律

十七

軒開芍藥帳芙蓉。月地雲階拜玉容。葵藿有心殊斷梗。
鳶蘿無力附喬松。篆香欲燼煙猶結。蠟炬方高淚正濃。
記與智瓊聯眷屬。非時常許數過從。
綺語愁心兩未降。十香六憶鬪新腔。通詞底用煩飛雀。
感悅無驚穩睡。在壁月空明臨鏡檻。碧雲深淺護紗窓。
朝朝平視真僥倖。消受秋波眼一雙。
應是珠宮瓊樹枝。餐英餐秀已忘飢。論文最愛閒情賦。
擬古生憎薄命詞。描罷美人磨黛墨。繡伊高士費機絲。
深閨儘日忙因甚。侍女旁猜總不知。

素邨小草

卷十七言律

十八

避風合倩錦屏圍。弱質難禁酒力微。冰雪在神慵傅粉。
珊瑚爲骨不勝衣。指尖記拍鶯輕囁。掌上留仙燕欲飛。
誰把阿環相比並。劇憐嬌婢太癡肥。

仙人大抵好樓居。麗日玲瓏照綺疏。水面芙蓉紅映鬢。
陌頭楊柳翠侵裾。雙鉤綵筆朝臨帖。萬卷銀釭夜校書。
若使長門重買賦。千金定屬女相如。
淳于雅量異登徒。薌澤微聞解絳襦。倘挽鹿車同舉案。
何妨犢鼻共當壚。殷勤盟訂三生石。宛轉腸迴九曲珠。
好似鸚鵡常比翼。莫拋紅豆打栖烏。

夜長偏厭汝南雞。斜月三星入戶低。閒步每來蓮葉北。
捧心如。在芎蘿西。朦朧倦態。桃含露。淡蕩柔情。絮著泥。
急鼓催歸。天欲曙。青驄猶傍。隔花嘶。

六張五角細推排。磨蝎宮中運稍乖。禮斗舊經持祕訣。
厭星今更奉長齋。名書甲子封金合。符勅庚申綴玉釵。
笑我流年多少劫。任他魔障百憂埋。

枉將好事苦頻催。輕薄王昌棄自該。勞愧良媒占未叶。
貧憎慈母命難回。定知白屋輸金屋。可許琴臺接鳳臺。
他日蘼蕪山下路。相逢何以免疑猜。

素邨小草

卷十七言律

十九

依違莫決但傷神。忍把蕭郎等路人。宅閉長庚鉤屈戌。
節過上巳誤芳辰。空留鈿合申前約。記取環痕認後身。
便擬吮毫圖小像。冷齋歸去喚真真。

抽殘愁緒織迴文。撥盡心香不再焚。滄海變田旋變水。
陽臺爲雨復爲雲。白鷗有意隨鴛侶。烏鵲何堪入鳳羣。
怪底連宵私鏡聽。月明人靜更無聞。

深承慰藉訴煩冤。半是傷心半感恩。夢草有懷終幻境。
情芽未滅卽愁根。崔生不隔重來面。情女難離欲斷魂。
見說合歡開並蒂。惱人憔悴懶窺園。

薔薇風送海棠寒。淒切琵琶別調彈。神女歸時珍佩失。
韓郎去後暗香殘。鼻酸只覺眉頭窄。腰瘦憑教帶眼寬。
防禮鍾情兼飲恨。偷題小字刻旃檀。
定婚書爲賣婚冊。清福知于造物慳。淚似傾珠乾碧海。
身當化石立青山。同心鳥散多鳴鵙。比目魚枯半作鰕。
從此藁砧悲破鏡。休吟樂府望刀環。
前身疑在大羅天。謫落塵寰略後先。才子名應藏寶笈。
佳人籍本隸飛仙。雙栖如意神珠樹。並種連環暖玉田。
何事因緣偏舛錯。欲排閭闔奏雲笈。

素邨小草

卷十七言律

二十

葭莖禮分暫相邀。繡閣深沈見翠翹。玉軫怕挑新綠綺。
瓊漿羞乞舊藍橋。小鬟慧黠眉梢語。阿母防閑眼角招。
打鴨隨鴉渾怪事。一枝餘戀嘆鷓鴣。

斷絃莫望續鸞膠。清濁難分涇渭淆。毒鳩巧言偏毀室。
拙鳩無用反居巢。日惟苦短懷常掛。夜轉如年曉未交。
自與雙文輕別後。水晶簾下道書拋。

崔盧門第說清高。裘馬翩翩亦未豪。謝女庭前吟柳絮。
党家帳內飲羊羔。停雲漫結吹簫伴。閉月何因竊藥逃。
料得玉臺無好詠。九章新製傲離騷。

枝分連理葉辭柯。翼折孤飛鳥觸羅。對影成三惟月姊。
知音第一是鸚哥。鈍根自不萌情種。苦海由來入愛河。
願誦金經勤繡佛。光陰以後易消磨。
紫足紅繩一綫差。投泥白壁惜微瑕。游魂幾化殘衣蝶。
唾血都成廣袖華。心已似灰身似木。命真如草淚如麻。
烏絲寫盡無由寄。盼斷闌干日又斜。
長桑無術起膏肓。扶病慚慚禮法王。海外漫傳不死藥。
人間難得返生香。名花合供優曇鉢。苦菜寧枯錦繡腸。
煩惱祇今歸極樂。九蓮葉底作鴛鴦。

素邨小草

卷十

七言律

二一

也知壽天一鷓彭。其奈蒼茫百感生。蕩子鼓盆歌動地。
檀郎入幕哭傾城。懷中錦字長年恨。天上瓊樓不日成。
早識繁華同薤露。爭如羈布守釵荆。
一坏黄土草青青。韓重淒涼幾度經。澆酒那能時見影。
製碑留待與鐫銘。牛灣秋水環羅帶。兩道春山列畫屏。
莫怪竟忘同穴誓。苦衷或可鑒幽冥。
偶然遊戲卽飛昇。知在瑤臺第幾層。湘女冰絃邀月鼓。
洛妃羅襪逐波凌。添他蛇畫青蠅玷。負我鷗盟彩鳳乘。
何計舒憂消積恨。醉鄉深處酒如澗。

琅函麗集出西樓。傳到雞林價易售。不櫛允稱前進士。
掄才端數女班頭。藏爲金井千年氣。散作銀河萬頃秋。
贏得佳名終古在。半生恩怨一齊休。

晚風料峭晚涼侵。寒透孤幃冷透襟。階砌蟲聲吟唧唧。
牆陰琴曲唱悵悵。步虛環佩空中聽。媚靨蘅蕪夢裏尋。
瘦影啼痕徒想像。好將花貌鑄兼金。

但令心事各相諧。生不同衾死亦甘。問字幾時過硯北。
持籠初日憶城南。玉京會上應難再。金母行中恰第三。
爲報掃除資道力。可憐纏縛類眠蠶。

素邨小草

卷十 七言律

二二

哀詞重疊寫香奩。潘鬢如絲鏡裏添。買笑花前人寂寂。
畫眉窓下月纖纖。白駒過盡堂堂日。黃鶯歌殘昔昔鹽。
惆悵夜臺長隔絕。詩成無復韻同拈。

江州邂逅濕青衫。我更愁深入骨嵌。荒塚垂楊將拱把。
畫樓歸燕尙呢喃。錯刀遺贈心如割。石闕餘悲口久銜。
欲弔芳魂招楚些。此生何處召巫咸。

梅花

玉樹成林絕點瑕。嚴風催雪釀奇葩。歲寒藉此聊生色。
天意于斯似有加。香影吟工難免俗。竹松友好惜無花。

拈來蓮座看微笑。是否疎枝問釋迦。

二月十五夜

麗人麗景鬪芳妍。盡日邀歡夜卜年。蹴罷鞦韆尋翠鈿。
撲殘蝴蝶數金錢。十分明月花初度。一半春光柳未眠。
我比樊川頗相狎。更無回首但嫣然。

題蓬萊圖

紫府瓊樓縹緲觀。風廻弱水浪漫漫。文成有術欺英主。
張果何心戀散官。雲笈夜宜鑄玉簡。霓裳朝舞薦金丹。
由來此境無人到。譜入生綃取次看。

素柳小草

卷十

七言律

二三

書紅線傳後

已擅彈琴與擘箋。誰知劒術出婣娟。十年恩愛紅塵幻。
兩地生靈金合全。脂粉竟能回跋扈。豪華留不住神仙。
可憐送別魂銷夜。月冷高樓水接天。

贈李匯生

少年便識竹林咸。矯矯雞羣迥出凡。雅有廉陶資砥礪。
何妨嗜好異酸醎。冠軍拔盡文壇幟。酣戰嚴將酒令監。
匣劍未騰光早煥。諸生原不算頭銜。

渡錢塘江

信是茫茫天塹遙。誰能鞭石此安橋。于今臺上無強弩。
終古江干有怒潮。帆腳聲多風正飽。舟人心急櫂還搖。
客囊差勝周匡物。不用題詩自解嘲。

同何嘉賓夜話

夜久頻聞街鼓敲。漸看斜月下梅梢。相留不盡傾心話。
與子原爲總角交。囊裏雖空表換酒。客邊莫厭饌無肴。
長安自昔居非易。迂拙還應藉指教。

呈李侍御敬堂二丈

聲名籍籍重

京華。寵眷曾承

天語。嘉骨鯁又聞

素柳小草

卷十

七言律

二四

新伏闕。登龍猶念舊通家。憐才間許參公事。開宴常
教到後衙。自是一心甘報國。高堂親老每咨嗟。

贈趙景季

慷慨胸襟望氣驚。有時彈劍作龍鳴。誰于遷史增游俠。
何必昇平說縱橫。四海交多肝膽少。千金諾重死生
輕。相逢莫厭殊叨絮。直道如今恐不行。

柬何雅承

才高未肯事雕龍。爲取巍科降格從。一出名居多士冠。
三場交與主司逢。看花共羨青年客。附驥難追逸足蹤。

何入泮鄉舉皆與
余同年今成進士
應有經綸堪報
國豈徒管筆作詞
宗

訪李校書

漢臯解佩見仙真
洛浦停車賦感甄
百尺畫樓依碧落
四圍綠冰隔紅塵
屏中山色青如髻
鏡裏花光麗似人
我是太平范少伯
等閒來問浣紗津

由乍川航海而歸別同鄉諸友

與君同是異鄉身
旅館招邀意倍親
北去劉蕡初下第
南來王粲尚依人
眼空滄海波濤壯
思入家山草木新
素邨小草
卷十
七言律
一五
聚首無多又惜別
瀟瀟風雨乍川濱

詩魔

詩魔自幼便論交
卅載周旋漆與膠
吟未安時眠每廢
思當狂處事全拋
高閒輒欲追王孟
寒瘦猶能似島郊
任是妻兒渾不解
笑余無益費推敲

入都呈何實齋太史

又攜琴劍上長安
滄海波濤壯大觀
前度劉蕡真強
項重來貢禹喜彈冠
文章家世淵源遠
風雅詞林職守
寬自笑不才思學步
金鍼莫惜借人看

寄挽林雲水先生

家藏萬卷插牙籤。賦就千篇百體兼。仕宦職卑年已老。
時初司私淑頻分化雨沾。欲寄長歌當慟哭。爲君才盡似江淹。
知將謝世九日同陳秋坪登陶然亭待楊玉聲不至

長年車馬厭喧譁。共倚闌干盡日斜。天際樓臺瞻

帝闕。雲中雞犬憶仙家。千重絕巘當閑塞。萬里晴空送
暮鴉。有約不來誰敗興。也應貽笑與黃花。

鄭耘門太史招飲爲書扇卽席口呈

素圃小草

卷十

七言律

二十六

暫辭供奉出瀛臺。綺席相招醉未回。小扇爲書大令
體。清風如對故人來。購求難得偏無吝。懷袖珍藏敢漫
開。祇恐凌雲投天筆。夜深墨氣動三台。

貧女

習禮明詩命不猶。荆釵羃布尙風流。蹇修未遇傷媒拙。
吉士關心厭俗求。同里嬌娃新納采。誰家夫壻早封侯。
空憐玉貌花枝似。禁得蓬門幾度秋。

和李尙書廬山瀑布

瀑泉第一說廬山。翠壁摩空石作闕。萬丈玉龍驚霹靂。

千層雪浪怒潺湲。來從天上源何遠。流與人間散不還。只爲有功能潤物。輸他幾片白雲閒。

清明日寄諸昆

又是清明柳作花。故山翹望白雲遮。高堂定省能

承志。予季行役莫嘆嗟。千里寄書三閱月。六年佳節四離家。相依幸賴何公子。米貴無憂出有車。

送楊霽林秋曹奉使木蘭決獄

聖朝化被總無私。此去宣威貴得宜。法峻似山心本恕。官清如水樂忘飢。臨軒特遣單車使。異域全消五

素邨小草

卷十七 言律

二七

罰疑家計重承相。付託解推力薄且支持。時以家事見託

李侍御服闋還朝因呈

三年廬墓尙餘悲。特旨新宣補諫司。學本文章言

有物。才無大小器皆宜。風霜凜處豺狼靜。天日回

時雨露滋。子職已完臣職重。從今報國不須疑。

黃金臺

七雄割據事銷沈。遺跡巍然碧草侵。燕市于今無駿骨。高臺終古重黃金。二城竟敗垂成業。片牘猶明去國心。後世漫誇能得士。悲風易水發哀吟。

至臺見庄寄謝楊西喬觀察

新唐重寄督漕糧。過訪言歡綺宴張。不强留人偏惜別。
爲憐游子久離鄉。千帆雲集看騶御。一紙風馳勝馬當。
時出河上送行並。最是頌聲常載道。故交亦與有輝光。
爲傳檄沿途各關。

滄浪亭讌集

一邱一壑最清幽。載酒連朝寫客愁。山色圍屏當面立。
水光拖練抱腰流。由來境以高人勝。歸去神猶此地留。
四萬却憐難購得。擬將風月畫圖收。

自題別業

素邨小草

卷十七言律

二八

杉籬桂巷景偏幽。五載風塵息倦游。尙有數楹供燕賞。
新開三徑接羊求。山當戶牖池當檻。花映簾櫳柳映樓。
暫向市塵成小隱。茫茫天地一輕鷗。

同陳若川梁友敬烏石山登高

峻嶒烏石傍城關。九日登高動鬪鬪。落葉疎林羅酒榼。
夕陽人影亂秋山。詩題僻韻豪誰是。風急鳴箏去不還。
閩俗以重雅集。九放風箏。九放風箏。九放風箏。九放風箏。九放風箏。

蛙

車前偶式豈真情。井底終教智士輕。門徑蒼苔人跡少。

池塘青草水痕平。官私不辨。徒爭鬧。鼓吹無時。總費聲。
螻蛄蟻墓多族類。釋名難問。鄭康成。

蠅

形小誰云欲易盈。竊糴忘溺。總營營。怒來空拔窻中劍。
獵去難塗扇面傷。千里趨炎。依驥尾。五更驚夢亂雞聲。
如斯醜態真堪疾。誤筆屏風。莫漫成。

蟻

赤幘烏衣戰鬪強。解將臣庶奉君王。穿珠應恨求桑婦。
列土新開審雨堂。兵渴尙師封穴智。磨馳多爲附羶忙。
素邨小草

卷十

七言律

二九

槐安國裏南柯郡。顛倒淳于夢一場。

蚊

利口輕驅腳豹蚊。黃昏爭市集如雲。焦螻兩乳安巢曉。
貞女千秋痛露筋。雷起面前芒在背。煙迷眼底艾難熏。
紛紛已恨驅無策。樹尙蕃生鳥吐羣。

壬寅上元十五夜陳若川廣集同人大張燈火結
高壇飲酒賦詩余後至題屈指一聯于燈柱諸
友頗以爲佳因命足成一律

瓊筵高會醉羣仙。韻叶宮商壓管絃。屈指無雙春富貴。

當頭第一月團圓。爭唳百戲燈爲市。難買千金夜似年。
明日旗亭重載酒。新詩應有麗人傳。

同陳若川曾爲雷登九仙樓

神仙遺跡俯城闔。掃滌煩襟眼界新。長笛一聲闌並倚。
秋山四面淨無塵。夕陽薄暝來孤鴈。遠浦西風起白蘋。
是處有樓樓有景。更誰閒似我三人。

重游鼓山二首

披圖幾度夢游勞。今日登臨又一遭。萬頃桑田滄海水。
千山松籟廣陵濤。峰巒舊識疎狂面。蘭芷新添溪澗毛。

素邨小草

卷十 七言律

三十

安得結廬絕頂上。長年高卧擬吳猿。
無端名利苦拘牽。恰似春鷺已再眠。是處便爲歡喜地。
前身疑在辨才天。三生香穗叁塵劫。雙屐青山了風緣。
徙倚夕陽歸去晚。好風吹月送人圓。

留陳若川夜飲

山公常醉習家池。况是平生莫逆知。來不送迎真脫俗。
見無時候免相思。十分明月天如水。一色秋光菊滿籬。
便與君爲長夜飲。莫辭頻勸掌中卮。

春日招諸友枉集三徑以詩代札

幾日園林爛漫春。相邀同到醉花神。諸君素負詩名士。
讓。我。聊。充。賢。主人。蔬。笋。野。肴。差。不。俗。葡。萄。初。釀。頗。嫌。新。
是。誰。後。至。須。先。罰。大白。公。浮。酒。一。巡。

諸友枉集三徑用前韻

和風習習座生春。對景吟詩各入神。能得幾回花底會。
相。看。俱。是。素。心。人。夕。陽。漸。暝。還。燒。燭。舊。合。推。陳。更。出。新。
扶。醉。不。妨。歸。去。晚。長。街。明。月。夜。無。巡。

菊枕成

繁英剪盡九秋霜。三徑香歸一枕涼。鏡裏不須憂鬢改。

素邨小草

卷十 七言律

三一

夢中誰信有金藏。魂迷蝴蝶花同夢。帳捲芙蓉月在牀。
便。向。睡。鄉。充。小。隱。借。他。高。臥。傲。羲。皇。

蠟梅

與梅一樣占羣芳。別有幽姿別有香。庾嶺寄來書是蠟。
壽。陽。妝。罷。額。偏。黃。笑。迴。白。雪。含。檀。口。寒。褪。青。衣。換。菊。裳。
我。比。逋。仙。尤。好。色。惜。無。金。屋。寵。專。房。

送電

靈風颯颯鼓淵淵。絳節霓旌上九天。愧我無才資鼎鼎。
誰。家。邀。福。薦。肥。鮮。碧。毫。閭。闔。先。通。謁。濁。濁。塵。寰。藉。幹。旋。

莫怨分司窮措大相將猶有一詩箋

龍燈

燭龍銜照夜如年想見錢塘怒氣填失水無雲惟吐火
盤空非雨忽飛煙葉公所好真堪畫劉累曾馴豢不傳
燒尾由來能變化兒童爭玩莫教然

走馬燈

玲瓏燈影彩毬圓半壁狼烽幾道傳舉火一時原戲笑
防邊萬馬盡盤旋銜枚令急隨風轉不夜城降帶月穿
好似崑崙三鼓奪春臺圖像勝凌煙

素郵小卓

卷十

七百七

三二

美人燈

女身偶現貌姑仙骨節珊瑚綵袖翻一點春心濃似火
十分弱質步非煙燒殘高燭歎無寐豔比時花妒亦憐
過了燈期殊冷落莫將恩愛怨人偏

蓮花燈

頃刻花開九品蓮裁紅剪綠滿庭鮮瞿曇鉢咒根皆火
漢苑池舒夜帶煙秉燭游宜君子愛晚妝春與美人憐
傳燈不用參真幻色是虛空相是圓

甲辰初度鄧紀三何秀岩何卿彩林春園何志敬

陳朝衡何玉溪何蘭汀張朋來林恒岱歐玉于

集余新開三徑卽席口占

多因惡謫落塵寰。難點丹砂駐玉顏。少不如人今已壯。
來無定處那知還。一時名士齊投轄。十日邀歡好閉關。
便擬西園圖雅集。他年認取鬢毛斑。

同玉千紫薇花下作

絳綃圍結綠參差。如蓋沈沈一院垂。開到濃時衣早褪。
怯當搖處屢難支。繁人春思兼秋思。知己微之與牧之。
好似神仙居紫府。朝朝花下共吟詩。

花高數丈。叢可盈畝。三月卽開。至十

素邨小草

卷十七言律

三三

月始
盡

追和何蘭汀諸友步月釣龍臺原韻

是誰清嘯落雲端。聞道羣公此夕歡。月影成三惟獨酌。
江山第一最奇觀。火流斗柄低簷角。蛩遞秋聲繞井闌。
我立閒階空佇立。夜深涼露不知寒。

移居

買鄰卜築釣臺西。清雅真宜小隱栖。長吉奚囊靈運屐。
淵明稚子老萊妻。數行疎樹籬邊古。幾疊青山屋角低。
應是紅塵飛不到。門前凡鳥任人題。

